

Uunga

allannguutissatut siunnersuut

Inuussutissarsiuutinik ilinniartitsinerit aamma inuussutissarsiuutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarneranik Inatsisartut inatsisissaattut siunnersuut

Pingajussaaneerreqarneranut Naalakkersuisunit saqqummiunneqartoq.

§ 1-imut

1. § 1, nr. 1-imi, imm. 5 aamma 6, imatut oqaasertaqassapput:

”Imm. 5. Qitiusumik inuussutissarsiuutinillu ilinniartit Naalakkersuisut akuersitereernerisigut Akuerisaasumik inuussutissalerinermik sammiveqartumik ilinniartitsinermut aamma tassunga misilitsinnerit ingerlannerannut suliarinnittussarsiuussinnaavaat.

Imm. 6. Qitiusumik inuussutissarsiuutinillu ilinniartit Naalakkersuisut akuersereernerisigut ilinniakkat ilaat ingerlariaqqiffiusut assingusut Kalaallit Nunaanni ilinniartit neqeroorutaanngitsut neqeroorutigisinnaalissavaat”

2. § 1, nr. 2-mi, § 25, imm. 2, oqaaseqatigiit pingajuat imatut oqaasertaqassaaq:

”Sungiusarluni sulinerit § 10, imm. 4 naapertorlugu tamakkiisumik ilaannakortumilluunniit ilinniartit ataatigalugu sungiusarnertut ingerlanneqarsinnaapput, ilinniartoq sungiusarluni suliffimmik, aamma illoqarfimmi allami ilinniartup najugarinngisaani, neqeroorutigineqartumik itigartitsisimappat.”

3. § 1, nr. 3, imatut oqaasertaqassaaq:

”3. § 25, imm. 2-mi, oqaaseqatigiit sisamaattut ilanngunneqassaaq:

”Inunnik isumaginninnermi oqartussat tamanna pillugu nalunaaruteqarnerisigut uppersarneqartunik ilinniartup pisuussutiginnngisaanik ilinniartup sungiusarluni sullivissatut innersuunneqartup sungiusarfigisinnaanngisaanik kinguneqartumik inuttut immikkorluinnaq atugaqartoqarpat tamanna pillugu qinnuteqartoqarneratigut Naalakkersuisut oqaaseqatigiit pingajuanni piumasaqaatinut immikkut akuersisinnaapput.”

4. § 1, nr. 3 kingorna, nr.-tut nutaatut ilanngunneqassaaq:

”4. § 34, imm. 1, imatut oqaasertalerneqassaaq:

”Qitiusumik ilinniartit, tak. § 31, imm. 1, tamarmik immikkut siulersuisunit 5-7-inik ilaasortalinnit aqutarineqassapput, taakkualu suliffeqarnermi kattuffiit akornannit toqqarneqartassapput, malittarisassat ilinniartit ataasiakkaat ileqqoreqqusaanni aalajangersarneqartut naapertorlugit.

Qitiusumik ilinniarfiit ilinniartitsisui aamma teknikkikkut allaffissornikkullu sulisui, siulersuisuni taaseqataasinnaatitaanngitsumik sinniiseqartitsissapput. Taamaattoq qitiusumik ilinniarfik ataasiinnaanngitsumik, sumiiffinnili arlalinni neqerooruteqartarpat, neqerooruteqartarfinnit tamanit sulisut sinniisaannik aalajangeeqataasinnaanani peqataasartussamik siulersuisut ilaqartinneqassapput. Siulersuisunut ilaasorta q siulersuisunut marlunnik amerlanerusunut toqqarneqarsinnaanngilaq. Katiguttoqartillugu, tak. § 33, ilinniarfiit katiguttut siulersuisui piffissami ikaarsaariarfimmi, katiguttoqarnissaanik aalajangiisoqarneraniit ukioq ataaseq tikillugu sivirususilimmik ingerlagallarsinnaapput, tamatuma kingorna ilinniarfiit katiguttut siulersuisussaannik nutaanik toqqaasoqassaaq, tak. naggat siulleq. Piffissami ikaarsaariarfiusumi ilinniarfiit katiguttut siulersuisui ilinniarfimmu katigutsitsinikkut pilersinneqartumut nutaanik ileqqoreqqusaliorlutillu ulluinnarni suleriaasissaliussapput.”

Nr. 4-6 tamatuma kingorna nr. 5-7-inngussapput.

5. § 1, nr. 4, nr. 5-inngortoq, imatut oqaasertaqassaaq:

”**5. § 34, imm. 2-mi, oqaaseqatigiit pingajuattut, sisamaattut tallimaattullu ilanngunneqassapput::** “Siulersuisuni ilaasortat qassiunissaannik suliffeqarnermi kattuffiit sorliit siulersuisut atuuffissaanni aggersumi toqqaasinnaatitaanissaannik kissaatigineqartut pillugit siulersuisut atuuffiisa naanissaa kingusinnerpaamik ukiumik ataatsimik sioqqullugu siulersuisut Naalakkersuisunut ilisimatitsissuteqassapput. Naalakkersuisut siulersuisut ilisimatitsissutaasa tigungerata kingorna piffissap qaammatit pingasut iluanni kissaatigineqartut oqaaseqaateqarfigisinnaavaat. Siulersuisut kissaataat qitiusumik ilinniarfiup malittarisassaasa allanngortinneqarnissaannik pisariaqartitsinermik kinguneqassappata, siulersuisut atuuffiisa naanissaa kingusinnerpaamik qaammatit arfinillit sioqqullugit tamanna pillugu siunnersuummik akuerineqartussanngorlugu Naalakkersuisunut nassitsissapput.”

6. § 1, nr. 5, nr. 6-inngortumi, § 46, imm. 2, oqaaseqatigiit siulliat imatut oqaasertalerneqassaaq: “Lærlingitut imaluunniit ilinniartinneqarnissamik isumaqatigiisummut ilaassapput ilinniakkami sungiusarluni sulinissat ilinniarfimmittarnissallu tamarmik, tassunga ilanngullugit svendinnussalluni misilitsinnerit”

7. § 1, nr. 6, nr. 7-inngortumi, § 61, imm. 1, imatut oqaasertalerneqassaaq:

”Aningaasaliissutit aningaasanut inatsimmi aalajangersarneqartut iluannit, inuutissarsiutinik ilinniartitsinermut tunngasutigut pikkorissartitsinernut atatillugu angalanernut najugaqarnernullu aningaasartuutit matussuserneqarnissaannut, tapiissuteqartoqarsinnaavoq.”

§ 2-mut

8. § 2, imm. 3, imatut oqaasertalerneqassaaq:

“ *Imm. 3.* Siulersuisut inatsisip atuutilernerani ukiumit ataatsimit sivikinnerusumik suli atuuttussat, ilisimatitsissut § 1, nr. 4-mi taaneqartoq sapinngisamik piaarnerpaamik nassiuatissavaat.”

Inatsisissatut siunnersuummut nassuiaatit

Nassuiaatit nalinginnaasut

Allannguutissatut siunnersuut saqqummiunneqarpoq inatsisissatut siunnersuummi kalaallisut oqaasertaata kukkuneqarnerata paasineqarnera tunngavigalugu. Ilaatigut kalaallisut taaguut “svendinnugussalluni misilitsinneq” pineqarpoq, aammalu assersuutigalugu kalaallisut oqaasertaani § 1, nr. 6-imi kukkusumik ilanngussisoqarsimalluni. Danskisut aalajangersagaq taassuma assinga allanngortinneqanngilaq.

Aammattaaq paasineqarpoq inatsisissatut siunnersuummi aalajangersakkamut pingaaruteqartumut nassuiaat ilanngunneqarsimanngitsoq. Tamassuma kinguneranik nassuiaatit ataasiakkaat normulersorneqarneri kukkuneqartut aamma paasineqarpoq. Taamaalilluni siunnersuummi, siullermeerneqartumi, illoqarfimmi allami sungiusarluni suliffissap innersuussutigineqartup akuerinissaanut pisussaaffeqarnermut tunngatillugu immikkut akuerineqarsinnaaneq pillugu siunnersuummi § 1, nr. 3-mi nassuiaatit tassunga atasut ilanngunneqarsimanngillat. Inatsisartut Allattoqarfianni Teknikkikkut Inatsisileriffimmi siunnersuutip teknikkikkut inatsisilerinermi misissorneqarnera tunngavigalugu immikkut akuersisinnaanermut aalajangersagaq inatsisip oqaasertaani ilanngunneqarpoq. Inatsimmi aalajangersakkamut nassuiaatit ilanngunneqarsimanngillat. Tamassuma kinguneraa pissutsit immikkut akuersinermik kinguneqarsinnaasut aalajangersakkap oqaasertaani erseqqarissumik allanneqarsimannginnerat. Tassunga atatillugu naliliisoqarpoq nassuiaatit aalajangersakkamut ilanngunneqassasut, tassa immikkut akuersisinnaanermut aalajangersakkat pingaaruteqartorujussuusinnaasut pineqarmata.

Taakku aaqqinneqarnissaat siunnersuummi siunertaavoq. Normulersuinermili kukkunerit eqqarsaatigalugit, taakku siunnersuut akuerineqassappat atuutilersitsinnginnermi siunnersuutip aaqqissuussinermi misissorneqarneranut atatillugu periusaasartut nalinginnaasut malillugit naqqinneqarsinnaapput.

Inatsisissatut siunnersuummi aalajangersakkanut ataasiakkaanut nassuiaatit

Nr. 1-imut

Qitiusumik Inuussutissarsiutinillu Ilinniarfiit inatsimmi § 3-mi nassuiarneqarput. Brancheskole taaneqartarpoq ”Qitiusumik Ilinniarfik” taavalu inuussutissarsiutinik Ilinniarfik taaneqartarluni ”Inuussutissarsiutinik Ilinniarfik. Kisiannili imm. 5 aamma 6-imi taaguutit assigiinngitsut marluk atorneqarput. Tassunga atatillugu siunnersuutigineqarpoq taaguut ”Qitiusumik Inuussutissarsiutinillu Ilinniarfiit” aalajangersakkani taakkunani marlunni atorneqassasoq.

Nr. 2-mut

Aalajangersakkamut pissutaavoq kalaallisut oqaasertaani § 1, nr. 2-mi taaguutip pisariaqanngitsup atorneqarnera, taannalu maannakkut peerneqarpoq.

Nr. 3-mut

Aalajangersakkami siunnersuummi nr. 3-mi maannakkut oqaasertaliussat assigai.

Aalajangersagaq § 25, imm. 2, oqaaseqatigiit pingajuannut sanilliunneqassaaq, tassani ersilluni ilinniartoq illoqarfimmi angerlarsimaffiunngitsumi illoqarfimmi allami sungiusarluni suliffissatut neqeroorutigineqartup sungiusarluni suliffiginissaatut kissaateqanngitsoq suliffeqarfimmi sungiusarluni sulineq atuarfimmi sungiusarluni sulinissamik periarfissap atornissaanik piumasaaqateqarsinnaanngitsoq.

Aalajangersagassatut siunnersuutigineqartumi siunertaavoq pissutsit immikkut ilinniartup pisuussutiginnngisai tunngavissaqartitsippata aalajangersakkamut immikkut akuersissuteqarnissap periarfissinnissaa. Assersuutigalugu tassaasinnaavoq angajoqqaq kisermaa inuussutissarsiutinut ilinniarfimmi ilinniartoq illoqarfimmi allani sungiusarluni sulinissamik neqeroorummik pissutsit pissutigalugit akuersisinnaanngitsoq, assersuutigalugu sungiusarluni sulineq imatut sivilissuseqarpat meeraq nooqataasoq illoqarfimmi pineqartumi paaqqinnittarfinni inissaqarani.

Immikkut akuersissuteqarneq pissutsit allat pissutigalugit ilinniartoq illoqarfimmi allami sungiusarluni sulisinnaanngippat aamma pisinnaavoq, tassungalu peqatigitillugu pissutsit immikkut ittut pissutigalugit sungiusarluni suliffissamik neqeroorummik pineqartumi ilinniartup itigartitsinissaa pillugu inunnik isumaginninnermi oqartussat uppersaassallutik. Tassunga atatillugu piumasaaqataavoq pissutsit immikkut akuersinissamat tunngaviliisut ilinniartup nammineq pisuussutigissanngikkai.

Nr. 4-mut

Aalajangersakkami inatsimmi atuuttumi kalaallisut oqaasertaani taaguut atorneqarsimasoq ”sulinermi kattuffiit” allanngortinneqarpoq. Aalajangersagaq taamaalilluni nr. 5-ip kinguneranik naqqiinertut isigineqassaaq.

Nr. 5-imut

Oqaatsip kalaallisut atorneqarsimasup ”sulinermi kattuffiit kikkut” aqqinneqarnissaa aalajangersakkami siunertaavoq. Aalajangersakkap kinguneraa siunnersuummi § 1, nr. 5-imi oqaatsit atorneqartut allanngortinneqarnerat, aammalu § 1, nr. 4 qulaaniittoq naapertorlugu inatsimmi pingaarnermi § 34, imm. 1-ip aamma assinganik allanngortinneqarnera.

Nr. 6-imut

Kalaallisut oqaatsip ”svendinngussalluni misilitsinnerit” inatsisissatut siunnersuutip kalaallisuuani eqqortumik atorneqarnissaa aalajangersakkami qulakkeerneqassaaq.

Nr. 7-imut

Kalaallisut oqaasertaani kukkusumik ilassuteqartoqarsimanera paasineqarnera aalajangersakkamut pissutaavoq. Kalaallisut danskisullu oqaatsit aalajangersakkami imminnut naapertuutsinneqalerput.

Nr. 8-mut

Siunnersuummi § 2, imm. 3-mi kalaallisut oqaasertaanik naqqiineq pineqarpoq.